

萬有文庫

第二集七百種

王雲五主編

律呂正義

(六十)

清康熙乾隆敕撰

商務印書館發行

義正呂律

(六十)

撰敕隆乾熙康清

萬有文庫

第二集七百種

總編纂者

王雲五

商務印書館發行

御製律呂正義後編卷之十八

祭祀樂十八

社稷壇



社稷壇祭儀

每歲春秋仲月戊日祭。

太社

太稷於

社稷壇。

皇帝親詣行禮。鹵簿大駕全設。王以下各官俱朝服陪祀各官預於

壇前櫺右門外分翼排立候。

駕過隨行不陪祀。王以下各官於

午門外分翼排立候。

駕出跪送。日出前四刻。太常寺堂官一員奏請  
皇帝御禮服出宮乘輦。

午門鳴鐘。不作樂。

皇帝由闕右門出。至

壇北門外鋪棕薦處降輦。贊引官對引官恭導

皇帝入北門東門。進更衣幄次。俟安奉

神位畢。太常寺堂官奏請

皇帝行禮。

皇帝出幄次盥手畢。贊引官對引官恭導

皇帝至北櫺星門外。行禮處拜位前立。鴻臚寺官引王

以下公以上隨後立。陪祀各官於

享殿外兩旁排立。典儀官唱樂舞生就位。執事官各司其事。司樂官引武舞生執干戚進。贊引官奏就位。恭導

皇帝陞拜褥上立。典儀官唱瘞毛血迎

神。司香官捧香盒就前向上立。唱樂官唱迎

神樂奏登平之章。樂作。贊引官奏陞

壇。司香官進各

神位旁跪。贊引官恭導

皇帝陞



壇詣。

太社位香案前立。奏跪。

皇帝跪。奏上香。

皇帝舉炷香上爐內。又三上瓣香畢。興。贊引官恭導。

皇帝詣。

太稷位上香。其儀與。

太社位同。

配位上香官二員。依次上香畢。各退。贊引官奏旋位。

恭導。

皇帝旋位立。贊引官奏跪叩興。

皇帝行三跪九叩頭禮。王以下各官俱隨行禮興樂止。典儀官唱

奠玉帛行初獻禮。捧玉帛官捧玉帛。執爵官捧爵。

進各

神位前立。唱樂官唱初獻樂。奏茂平之章。樂作。武舞生

奏舞。捧玉帛官跪獻。三叩頭退。捧爵官跪獻於正

中。不叩退。讀祝官至讀祝案前一跪三叩頭。捧祝

版至

壇上跪。樂停。舞者皆跪。贊引官奏跪。

皇帝跪。王以下各官俱跪典儀官唱讀祝。讀祝官讀祝畢。捧祝

版至

太社位前跪安於帛匣內。三叩頭退。樂作。贊引官奏叩興。

皇帝行三叩頭禮。

王以下各官俱隨行禮

興樂止。武舞生退。司樂

官引文舞生執羽籥進。典儀官唱行亞獻禮。執爵官捧爵進各

神位前立。唱樂官唱亞獻樂。奏育平之章。樂作。文舞生奏舞。捧爵官跪獻於案左。退。樂止。典儀官唱行終獻禮。執爵官捧爵進各

神位前立。唱樂官唱終獻樂。奏敦平之章。樂作。捧爵官跪獻於案右。退。樂止。文舞生退。太常寺官一員。就

前唱

賜福胙。光祿寺官二員捧福胙。向

神位前拱舉。捧至

皇帝拜褥右。接福胙侍衛二員。進至拜褥左。贊引官奏  
跪。

皇帝跪。捧福胙。光祿寺官二員。接福胙侍衛二員亦跪。  
奏飲福酒。

皇帝受爵拱舉。授左旁侍衛。奏受胙。

皇帝受胙拱舉。授左旁侍衛。贊引官奏叩興。

皇帝行三叩頭禮。王以下各官不隨行禮。興。次行謝福胙禮。贊引

官奏跪叩興。

皇帝行三跪九叩頭禮。

王以下各官俱隨行禮。

興。典儀官唱徹饌。

唱樂官唱徹饌樂奏博平之章。樂作。捧玉官二員。

各詣

太社

太稷位前。一跪一叩頭。各捧玉退。樂止。典儀官唱送

神。唱樂官唱送

神樂奏樂平之章。樂作。贊引官奏跪叩興。

皇帝行三跪九叩頭禮。

王以下各官俱隨行禮。

興。樂止。典儀官唱

捧祝帛香饌恭送座位。捧祝帛香饌官至各

神位前跪。捧祝帛。官三叩頭。捧香饌。官不叩。各捧起。依次送往瘞位。贊引官恭導。

皇帝轉立拜位東旁。俟祝帛香饌過畢。贊引官恭導。皇帝旋位立。典儀官唱望瘞。唱樂官唱望瘞。樂奏徵平之章。樂作。贊引官奏詣望瘞位。同對引官恭導。

皇帝詣瘞位立望瘞。數帛。官數帛。祝帛焚半。贊引官奏禮畢。陪祀王以下各官兩傍排立。贊引官對引官恭導。

皇帝出北門東門陞輦。樂止。和聲署作。

皇帝還宮。樂奏祐平之章。鹵簿大樂並作。王以下公以上隨後行。各官出南門退。不陪祀王以下各官仍

於

午門外跪迎。

午門鳴鐘。王等皆隨

駕入。

皇帝還宮。樂止。各退。

歲旱。遣親王祈禱。承祭陪祭各官。俱雨。纓帽素服。  
雨足。報祀。俱朝服。中和韶樂。以豐名章。所用夾鐘  
爲宮。報用南呂爲宮。餘儀與常祀遣官同。

樂章

迎神奏登平之章

媪神蕃釐兮厚德隆

嘉生繁祉兮功化同

壇壝儼肅兮風露融

我稷翼翼兮黍芄芄

望雲駕兮驂鸞龍

植璧秉圭兮冀感通

奠玉帛初獻奏茂平之章

恪恭禋祀兮肅且雍

清醑旣載兮臨齋宮

朝踐初舉兮玉帛共

洋洋在上兮鑒予衷

亞獻奏育平之章

樂具入奏兮聲喤喤

鬱鬯再升兮賓八鄉



厚德配地兮佑家邦

綏我豐年兮兆庶康

終獻奏敦平之章

方壇北宇兮神中央

盈庭萬舞兮帳低昂

酌酒三爵兮桂醕香

清雖舊邦兮命溥將

徹饌奏博平之章

大房籩豆兮儼成行

歆此吉蠲兮神廸嘗

廢徹不遲兮餘芬芳

桐生茂豫兮百穀昌

送神奏樂平之章

孔蓋翠旌兮隨風颺

龍輶容與兮指天閭

咫尺神靈兮隔穹蒼

願流景祚兮貺皇章